

L COMUN

Fat su dei ani 1869-1871, l'é espression de na architettura che la avea da rapresentà l' "publich podé", defati la postazion dominante del fabricat, le stafe proporzioi de la fazada, l'entrada con scalinada e colonat i lo identifichèa tant che palaz publich. L' à ospità la seconda senta de la scola mineraria enfin ai ani '20 e le scole elementare enfin ai ani '60 del secol passà. Anter le desferente associazioi che le à là inte la senta regordon l' Coro Agordo nassù del 1966, anter le prime formazioi a os smessedade del arch alpin a proà l' repertor popolar tradizional e la Sezion Agordina del CAI, fata scomenzà netl 1868 tant che prima sezion dolomitica del Clup Alpino Italiano, la IV en Italia drio Torin, Aosta e Varallo Sesia. Endana la Prima Guera, cande che Agort l' era stat n' zenter emportant de distribuzion logistica de tuti i repart del IX Corp d' Armada, l' casament l' era diventà ospedal da camp e l' Broi là arente l' era stat capoligna de la Decauville Burban-Agort (ferrovia a scartamento ridotto).